

自截◎十四年癸卯九月備後福山城主伊勢守阿部正弘爲幕府老中○平田篤胤卒○十一月越後長岡城主備前守牧野忠雅爲幕府老中◎弘化元年甲辰三月蘭船來長崎告各國意在將以兵強請盟約幕府恐而益修沿海守備○五月幕府忌憚水侯德川齊昭侃諤幽之駒込策錮其重臣數人○十一月丹波篠山城主下野守青山忠良爲幕府老中◎二年乙巳二月外船來相州浦賀○三月下野守都宮城主山城守戶田忠溫爲幕府老中○九月遠州濱松城主越前守水野忠邦坐在老中職不得宜削封二萬石貶封羽州山形城賜家督於嫡子忠精信州飯田城主大和守堀親憲爲老中格不副職削其封萬石○十二月詔興費舍於建禮外◎三年丙午正月天皇崩

御諱統仁、御母贈左大臣正親町實光女、新侍賢門院藤原雅子也、天保二年辛卯六月十四日聖誕、初稱熙宮、六年乙未九月十八日爲親王、十一年庚子三月十四日、立爲皇太子、

順子內親王

御母、皇后藤原夙子也、嘉永三年十一月四日降誕、同五年六月十七日殤、御年三歲

弘化三年丙午二月十三日踐

皇子

御母、典侍藤原伸子也、嘉永三年十二月十七日降誕、翌日殤

祚、四年丁未九月二十三日、即

位紫宸殿、時御

第百二十一代

孝明天皇

年十七、納左大

臣九條尙忠女、

藤原夙子爲女

皇女

逸御名、順子內親王御同母妹也、安政五年六月十二日降誕、稱富貴宮、同六年八月二日殤

皇女

逸御名、御母掌侍藤原紀子也、安政六年三月二十二日降誕、稱壽滿宮、文久元年五月一日殤、御年三歲



御尋准后、後尊

皇

女

逸御名、壽滿宮皇女御同母妹也、文久元年十月八日降誕、稱理宮、同二年八月十日殤

稱皇太后、弘化

四年十月、納大

納言坊城俊治女、藤原伸子、嘉永四年三月、從一位大勳位侯爵中山忠能女、藤原

慶子、繼典侍局又督典侍後稱一位局中納言愛長女、藤原尚子、別當並爲典侍、嘉永二年大納言定章女、藤

原重子、少將內侍萬延元年十二月、中納言康親女、藤原紀子、衛門掌侍稱藤式部並爲掌侍、慶應二年丙

寅十二月二十五日崩、在位二十一年、寶算三十六葬、後月輪東山陵、京都市下京今熊野町泉涌寺天皇

天資叡明通、內外當外交事、深以國家安危爲念、所其規畫一而不止、不幸寶祚不

長、朝野悼之

孝明朝

改元、六

弘化 一、襲用前朝年號 嘉永 六、弘化五年戊申二月二十八日改元 安政 六、嘉永七年甲寅十一月二十八日改元 萬延 一、安政七年庚申閏三月一日改元  
文久 三、萬延二年辛酉二月二十八日改元 元治 一、文久四年庚子三月一日改元 慶應 三、元治元年乙丑四月十八日改元

關	輔	弼	江	戶	幕	府
關 白藤原 政通 <small>(藤司)</small>	左大臣 藤原 齊信 <small>(二條)</small>	右大臣 藤原 尚忠 <small>(九條)</small>	征夷大將軍 德川 家慶	征夷大將軍 德川 家定	征夷大將軍 德川 家茂	征夷大將軍 德川 慶喜
內大臣 藤原 實堅 <small>(德大寺)</small>	內大臣 藤原 輔熙 <small>(藤司)</small>	關 白藤原 尚忠	井伊 直弼	松平 慶永	堀田 正信	堀田 正信
內大臣 源 基 豐 <small>(廣幡)</small>	內大臣 藤原 實萬 <small>(三條)</small>	左大臣 藤原 忠香	太田 資始	安藤 信勝	問部 陸	太田 資始
內大臣 源 建 通 <small>(久我)</small>	關 白藤原 齊熙	右大臣 藤原 家厚	脇坂 安宅	本鄉 泰固	本鄉 泰固	脇坂 安宅
關 白藤原 齊敬	關 白藤原 齊敬	左大臣 藤原 公純 <small>(花園)</small>	松平 忠宗	松平 忠宗	松平 忠宗	松平 忠宗
右大臣 藤原 齊敬	右大臣 藤原 齊敬	右大臣 藤原 齊敬	松平 忠宗	松平 忠宗	松平 忠宗	松平 忠宗
內大臣 藤原 齊敬	內大臣 藤原 齊敬	內大臣 藤原 齊敬	松平 忠宗	松平 忠宗	松平 忠宗	松平 忠宗
右大臣 藤原 齊敬	右大臣 藤原 齊敬	右大臣 藤原 齊敬	松平 忠宗	松平 忠宗	松平 忠宗	松平 忠宗
內大臣 藤原 齊敬	內大臣 藤原 齊敬	內大臣 藤原 齊敬	松平 忠宗	松平 忠宗	松平 忠宗	松平 忠宗
右大臣 藤原 齊敬	右大臣 藤原 齊敬	右大臣 藤原 齊敬	松平 忠宗	松平 忠宗	松平 忠宗	松平 忠宗
內大臣 藤原 齊敬	內大臣 藤原 齊敬	內大臣 藤原 齊敬	松平 忠宗	松平 忠宗	松平 忠宗	松平 忠宗
右大臣 藤原 齊敬	右大臣 藤原 齊敬	右大臣 藤原 齊敬	松平 忠宗	松平 忠宗	松平 忠宗	松平 忠宗
內大臣 藤原 齊敬	內大臣 藤原 齊敬	內大臣 藤原 齊敬	松平 忠宗	松平 忠宗	松平 忠宗	松平 忠宗
右大臣 藤原 齊敬	右大臣 藤原 齊敬	右大臣 藤原 齊敬	松平 忠宗	松平 忠宗	松平 忠宗	松平 忠宗
內大臣 藤原 齊敬	內大臣 藤原 齊敬	內大臣 藤原 齊敬	松平 忠宗	松平 忠宗	松平 忠宗	松平 忠宗
右大臣 藤原 齊敬	右大臣 藤原 齊敬	右大臣 藤原 齊敬	松平 忠宗	松平 忠宗	松平 忠宗	松平 忠宗

○關白鷹司政通、左大臣二條齊信、右大臣九條尚忠、並如故、○弘化三年丙午四

月、英船來琉球、○閏五月、米艦二隻來相州浦賀、上書乞互市、幕府不許、諭遣之、○

七月、幕府錮砲術師高島四郎大夫秋帆等、刑其徒二十餘人、○八月、英艦測量近

海、詔嚴海防、○九月、修皇宮、○十月、幕府奏外船乞互市事情、○四年丁未二月、幕



府命河越彥根二藩守備相州沿海會津忍二藩戊房總二州沿岸○三月築浦賀  
千駄碕于砲臺○四月左大臣齊信罷○六月右大臣尙忠遷左大臣權大納言近  
衛忠熙任右大臣權大納言花山院家厚任內大臣○蘭船來長崎○十二月內大臣  
家厚罷權大納言輝弘任內大臣○嘉永元年戊申二月內大臣輝弘罷權大納言  
德大寺實堅任內大臣尋罷○三月權大納言鷹司輔熙任內大臣○外船出沒對  
馬及北海○八月關白政通任太政大臣關白如故○九月關白政通罷太政大臣  
○十月三州西尾城主和泉守松平乘全伊賀守松平忠優並補幕府老中○十一  
月曲亭瀧澤馬琴死○二年己酉閏四月英船入浦賀奉行伊豆守戶田氏榮諭斥  
之英船轉入豆州下田剽掠民家測量山海葦山代官江川英龍通稱太郎左衛門  
諭遣之○五月幕府令諸侯益修海防○七月幕府命肥前五島福江城主大和守  
五島盛成及志摩守松前爲吉各築新城修邊防更令諸侯練兵○八月蘭船贈牛  
痘於佐賀城主鍋島齊正齊正始試之其子本邦種痘始于此○是歲異船出入西  
海及北海者多○三年庚戌正月佐藤信淵卒○六月蘭船入長崎告英米二國有

求通商之意○高野長英爲幕吏所追窮自殺○四年辛亥三月追贈正二位和氣  
清麻呂於正一位謚曰護王明神祭之洛外高雄○七月漂民土佐漁夫中濱萬次  
郎自米國歸致圖書器械○十一月幕府以下總關宿城主大和守久世廣周爲老  
中以播州龍野城主淡路守脇阪安宅爲所司代○五年壬子正月英船來琉球○  
五月幕府令井伊直弼成浦賀築煩於江戶府外大森○江戶西城火○八月蘭船  
來舶長崎告米艦以明年來請互市即不許則欲戰幕府大驚起水侯德川齊昭視  
軍事○九月皇子祐宮降誕爲之觀聖文武明治天皇○六年癸丑四月加賀商人  
錢屋五兵衛以犯國禁處磔刑沒收其所有田畑八萬有餘石大船三十餘艘坐而  
處死者多○六月米國水師提督彼理率兵艦四隻入浦賀旗鼓齊々上陸獻國書  
方物強請互市幕府震駭不知策出所命防長二國主大膳大夫毛利慶勝肥後國  
主越中守細川齊護土佐國主阿波守山內齊裕等諸大藩守備近海約以明年答  
優遇遣歸之直具狀而奏○七月將軍德川家慶卒子家定嗣立○魯艦四隻入長  
崎致書要求三事一曰修隣交二曰正蝦夷領海三曰開港交易海內騷然幕府狠



猥俄命鑄巨砲造巨艦築礮臺於品川東里許海上課江戶大阪富豪修軍備解高  
嶋秋帆禁錮屬江川英龍教授砲術託蘭人購戰艦尋命列侯守備武相總房沿海  
○紀伊守內藤信親爲幕府老中○十月幕府遣旗士肥前守筒井政憲左衛門尉  
川路聖謨於長崎附答書於米人而去之○十一月幕府召土佐漂民中濱萬次郎  
於江戶拔爲士○安政元年甲寅正月米國水師提督彼理率兵艦七隻來浦賀進  
入本牧尋逼品川灣申前請促決答○三月幕府察勢不可拒權許來舶下田箱館  
長崎三港撤諸藩守備就國○松蔭吉田矩方象山佐久間修理等企圖洋行不成  
坐犯國禁拘禁○四月皇宮炎上○幕府以日章爲帝國徽號○七月英艦入長崎  
○九月魯艦入大阪灣有所請幕府復權許寄泊三港○二年乙卯三月幕府奉詔  
令海內收鎔梵鐘鑄造大砲以備海防○六月蘭船入長崎獻汽船及小銃○七月  
幕府派麟太郎勝安房等於長崎就蘭人學船術○八月下總佐倉城主備中守堀  
田正睦爲幕府老中○十月江戶大震邸第民舍所在倒壞壓死者無算○是歲皇  
宮成○三年丙辰二月幕府置蕃書調所○六月關白政通罷○幕府築砲臺於泉

五〇七

州堺及大阪川口○七月米國水師提督彼理告以其本國命爲全權公使駐在帝  
國且請謁將軍手上國書幕府不能拒聘見之事遂決矣○八月左大臣尙忠爲關  
白○英船入長崎託蘭人請修好○十二月二宮尊德卒○四年丁巳正月關白尙  
忠罷左大臣右大臣忠熙遷左大臣權大納言大炊御門經久任右大臣○二月右  
大臣經久罷內大臣輔熙遷右大臣大納言兼右近衛大將廣幡基豐任內大臣權  
大納言三條實萬兼任右近衛大將○五月內大臣基豐罷尋卒權大納言實萬任  
內大臣○鑄鐵錢文曰箱館通寶○六月米使彼理就下田奉行井上清直請入江  
戶謁將軍呈國書幕議漸傾引見水俣德川齊昭等爲之國辱而不肯齊昭遂辭參  
幕政引退○八月所司代淡路守脇阪安宅轉幕府老中三州岡崎城主美濃守本  
多忠民補所司代○在府諸侯亦連署陳米使引見不可○九月伊賀守松平忠優  
再爲幕府老中○肥前佐賀城主鍋島齊正請以手兵討米艦不許○十月米使彼  
理詣幕府執政堀田正篤邸說以利害及列國形勢期日逼將軍引見○十一月前  
田島津伊達細川以下二十餘侯連疏極論米使引見不可各請就國修戰備幕府



不省○將軍家定遂決意引見米使彼理於江戶城本丸禮終大饗之昌平糞水戶士信田某是夜入館圖刺米使不成捕斬○十二月幕府使儒臣林輝目付津田半十郎西上就傳奏請開港敕許不果◎五年戊午正月幕府遣老中堀田正篤西上奏事體不容易請開港敕許旗士川路聖謨肥後守岩瀨愿等副之朝廷會諸公卿議之前關白政通關白尙通左大臣忠熙右大臣輔熙內大臣實萬及舉朝參議咸與焉權大納言萬里小路正房久我建通爲議奏而議輒不決○二月正篤入朝大與公卿討論申明事體迫焦眉陳開國進取爲轉禍爲福策而朝議遂不允正篤頗苦○三月米使復入江戶刻日促條約且曰曠日不決請直入京師自決事○內大臣實萬罷權大納言一條忠香代任之○四月掃部頭井伊直弼爲幕府大老○堀田正篤自京師還江戶○六月老中堀田正篤脇阪安宅松平忠優並罷太田資始間部詮勝松平乘全復出爲老中○所司代本多忠民罷若州小濱城主若狹守酒井忠義補所司代○外艦督促愈急禍且不測幕府乃決議遣勘定奉行玄蕃頭永井尙忠下田奉行井上清直函館奉行堀利熙目付岩瀨愿等面議米使權締結互

市條約十四條捺印之申明雖未得敕許事體不得止權締結條約傳教旨列藩及旗下士戒飾之又命高松桑名松山安濃津四藩備京師非常使鳥取岡山二藩戍大阪萩藩于兵庫柳川藩于堺浦福井藩于神奈川二本松藩于相州富津以備內外非違海內騷然諸侯譁然水戶尾張越前一橋等幕府親藩連署請破條約奉敕壤夷不納於是乎諸藩脫士及草莽處士間討幕勤王壤夷論靡然興○七月將軍家定病篤繼嗣未定水侯齊昭等推一橋慶喜大老井伊直弼等推紀伊齊順子家茂時直弼專用事將軍家定聽于直弼遂立家茂爲世子家茂時年甫十三○幕府命永井尙忠長崎奉行駿河守岡部長常等面議蘭使尙忠及函館奉行堀利熙等面議魯英兩國使俱締結互市條約朝廷詔徵幕府大老及紀尾水三藩幕府以多事故辭之遣間部詮勝西上齊昭憤慨爲攘夷首唱○是月駿州川成邑主丹後守本鄉泰固坐爲若年寄失職除侯籍賜其子石見守於五千石列旗士○八月將軍家定卒家茂嗣立直弼捕黨水侯齊昭者二十餘人○九月更捕公卿家臣及草莽處士唱攘夷者三十餘人檻送江戶逼前關白政通前內大臣實萬屏居焉○幕府



命水野忠篤、永井尙忠、堀利熙等、面議佛使、締結互市條約二十二條、捺印之、許互市者、至是五國、咸同其約旨、其條曰、永相和親、曰自明年六月、許互市、至七月、開神奈川、以代下田、曰自今四月、而置市場於江戶、五十月、而開兵庫、置市場於大阪、不開新潟、則別開西國港、曰聽設舖庫於神奈川、兵庫、箱館、五港、居兵庫、神奈川、箱館地、但兵庫禁入京畿、長崎限公有地、曰禁糶米麥、特給其乏絕、曰貨幣互行國內、曰銅用要器之餘、貿之、曰嚴禁阿片煙、○十月、家茂任征夷大將軍、○是月、間部詮勝入朝、奏公武合體、緩機攘外夷、○十一月、清水寺僧月照、入薩摩海死、○十二月、幽青蓮院宮尊融法親王、命土佐侯山內豐信、宇和島侯遠江守伊達宗城退隱、○是歲、天下疫病流行、其症暴瀉、忽斃、江戶最甚、死者十萬餘人、時人謂爲虎狼痢、○六年己未正月、幕府徙諸商於神奈川、大開互市場、○三月、左大臣忠熙、右大臣輔熙並罷、內大臣忠香任左大臣、權大納言花山院家厚任右大臣、權大納言二條齊敬任內大臣、兼左近衛大將、○是月、幕府令天下禁用洋服、○七月、罷老中太田資始、○是月、浪士殺魯人三名於橫濱、○八月、幕府斷水戶獄、大老直弼數水俟齊昭

罪、閉錮水戶、讓一橋慶喜屏居焉、幽太田資始、黜岩瀨愿、永井尙志、川路聖謨、小普請奉行淺野長祚、駿河守町奉行鵜殿長銳、水戶宰臣備前守中山信寶等、斬鵜飼吉左其子幸吉、茅根伊與助、飯泉喜內、橋本左內、吉田松蔭、賴醇等、命安藤帶刀自截、謫其餘黨類數人、○九月、將軍家茂引見佛使、○十二月、間部詮勝罷老中、○萬延元年庚申正月、幕府以外國奉行豐前守新見正興、淡路守村垣範正爲修信使、始派遣米國軍艦奉行攝津守木村毅、目付小栗豐後守等、二百餘人從焉、閏十月、而歸朝、○是月、奧州磐城平城主對馬守安藤信睦爲幕府老中、○三月、水戶士佐野竹之助、光明等十七人、要擊大老井伊直弼於櫻田門外、殺之、海內物情恟然、○閏三月、幕府以久世廣周爲老中、○八月、本多忠民爲幕府老中、○將軍家茂引見英米佛等使、○水俟齋昭卒、○九月、解尾張中納言德川慶恕、一橋慶喜等幽閉、○十一月、許降嫁皇女和宮於將軍家茂、○是月、箱館堀利熙諫老中安藤信睦自殺、○下野守青山忠良復爲老中、○十一月、江戶城火、○十二月、幕府權許李漏生條約、○文久元年辛酉正月、幕府鑄大錢、曰之文久錢、○五月、水戶士有賀重信等十



四人、襲高輪東禪寺英館、殺傷館員三名、幕府出洋銀三千元濟之、英人自是置兵橫濱○十月、和宮東下○十二月、幕府遣使英魯佛蘭米普六國○是歲刑櫻田暴徒◎二年壬戌正月、右大臣家厚罷、內大臣齊敬遷、右大臣權大納言久我建通任內大臣○浪士要擊老中安藤信睦於阪下門外、衛士奮鬪卻之、信睦被傷得間僅免○三月、本多忠民罷老中、羽州山形城主和泉守水野忠精、備中松山城主周防守板倉勝靜並爲老中、尋安藤信睦罷老中○五月、幕府使奧州會津城主肥後守松平容保、越前福井城主越前守春嶽松平慶永、參幕議○老中內藤信親罷○脇阪安宅復老中○六月、天使左衛門督大原重德東下、島津久光率兵從焉、既而天使抵江戶、宣敕命三事曰、將軍入朝議攘夷、曰選大藩立五大老決國政、整武備、曰起一橋慶喜補佐將軍、起越前慶永任大老家茂咸奉敕○是月、關白尙忠罷、前右大臣忠熙爲關白○老中久世廣周、所司代酒井忠義並罷、丹後宮津城主伯耆守松平宗秀補所司代○七月、幕府大行黜陟、起慶喜爲後見、舉慶永爲政事總裁、慶永等、大布新政、緩諸侯參觀期、許其妻孥就國○八月、詔幽閉內大臣建通、中將岩

倉具視、命前大納言正親町三條實愛、前大納言中山忠能等屏居○是月、天使大原重德西歸、島津久光從焉、途過武州生麥村、英人犯其前驅、久光家臣咎其無禮、斬三人、英使大讓幕府、爲之生麥事件○所司代松平宗秀罷、備中守牧野忠雅代之○土佐侯山內豐信入京、詔同薩長二藩留鎮闕下、自是列藩入覲京師者、八十餘藩、士人充填市街、處士橫議、遊說紳縉、間事愈繁、其主亦不能箝制、幕府奏置京師守護職、以松平容保補之、始置山陵奉行、戶田和三郎忠至補之、修理山陵○九月、詔逐前關白尙忠及其子幸經、久我建通、岩倉具視等、於洛外○十月、河內守井上正直爲老中○是月、天使中納言三條實美、少將姉小路公知、銜詔命東下、傳禁裡置親兵及奉速攘夷之敕旨、幕府愈急處置○江州彥根城主掃部頭井伊直憲坐父直弼在大老職補翼不得宜、削其封十萬、奧州磐城平城主對馬守安藤信睦、下總關宿城主大和守久世廣周、越前鯖江城主下總守間部詮勝、並在老中職、若州小濱城主若狹守酒井忠義、在所司代職、俱處置不得宜、並削封萬石○十一月、幕府赦國事犯、既就死者建墓○十二月、高輪英館成、未移爲浪士所燒○是月、一



橋慶喜入京○是歲幕府舉勝安房爲軍艦奉行遣榎本鎌二郎武揚赤松大三郎  
內田恒次郎等荷蘭國學海軍術又改軍制編步兵隊選旗下士編騎砲二隊併稱  
曰三兵隊◎三年癸亥正月關白忠熙罷右大臣輔熙爲關白○當是時處士橫行  
劫紳縉刺客相踵公卿危懼漸變其所持○二月詔青蓮院宮尊融法親王蓄髮稱  
中川宮以參機務○是月處士三輪田綱一郎師岡節齋等十四人斬足利氏三世  
木像首梟之三條磧○三月將軍家茂入朝德川慶篤及老中水野忠精板倉勝靜  
等從焉既而松平慶永不告而歸國幕府命幽閉之島津久光亦請暇就國○是月  
天子謁石清水廟將賜攘夷節刀於將軍家茂家茂稱病不出慶喜窘窮亦稱病下  
祠處士聞之怒請親征朝廷編親兵三條實美掌之家茂與慶喜詣闕奏以五月十  
日爲攘夷期因遍告列藩明日家茂拜石清水廟至大阪城留焉慶喜奉攘夷詔東  
下將先諭外人鎖三港外人不可先是生麥事件償金之議久不決英佛連兵艦來  
逼曰取償金五十萬元於政府別得三萬元於津島氏以救恤被害者遺族否則獲  
島津久光而甘心島津氏聞之欲戰朝議亦持不償說至是幕府困窮老中皆稱疾  
不視事而幕議遂決和出四十五萬元償之尋慶喜陳攘夷難而辭詔○長人砲擊  
米艦於馬關朝廷激賞之○六月將軍家茂航海還江戶○朝廷限鎖港以三十日  
發詔勸砲擊外艦者而幕府發教戒妄砲擊者詔教矛盾列藩迷方向○七月英艦  
砲擊鹿兒島薩藩應戰互有死傷遂出償金和平○是月幕府以越前丸岡城主兵  
庫頭有馬道純爲老中○罷毛利敬親堺門宿衛以山城淀城主長門守稻葉正邦  
代之停三條實美以下公卿十三人攘夷論者參朝朝廷決穩健處事之議於是長  
人擁三條實美以下公卿七人西還朝廷因詔削七卿官爵○是月尊融親王拜彈  
正尹稱尹宮○志士藤本眞金安積五郎等擁中山忠光舉兵大和自稱曰天誅組  
朝廷詔近畿諸藩討之○詔禁諸藩士出入公卿邸○江戶戒嚴以鎖港事迫也幕  
府以大和守松平直溫爲政事總裁○十月志士平野國臣等擁澤宣嘉起兵但馬  
生野朝廷命所在近藩討之○十一月江戶城火遂不復築○幕府遣外國奉行池  
田筑後守河津伊豆守目付河田相摸守等於英佛諸國議鎖港以浪士新徵組屬  
庄內藩旗下○十二月關白輔熙罷右大臣齋敬代之尋齋敬遷左大臣內大臣花



園公純任右大臣大納言近衛忠房任內大臣兼左近衛大將如故○元治元年甲子正月詔勸修寺濟範法親王蓄髮稱山階宮○是月將軍家茂入朝天子優詔曰醜夷不可不攘而要燥急無誤事宜與會津越前宇和嶋薩摩等純忠諸藩議以定不拔國是毛利敬親與三條實美等謀輕舉違宏謨不可不戒家茂感激○二月加封五萬石於松平容保爲軍事總裁松平慶永爲京師守護職旣而罷容保代之幕府有征長之意筑前侯黑田慶贊上表陳其不可毛利敬親亦論奏詔敕前後矛盾頻愬冤○三月以一橋慶喜爲禁內守衛海防都督命紀伊侯德川茂承守大阪○四月幕府以所司代稻葉正邦爲老中以伊豫松山城主松平定敬爲所司代○是月將軍家茂奏新制十八條曰年以米二千苞充神宮供御曰將軍諸侯紹職襲封各自入朝謝恩曰廣大內理曰廢止皇子皇女爲僧例等類是也○五月將軍家茂還江戶○是月水藩士藤田信等稱紹故齊昭遺志起兵據下野大平山○六月詔曰國論旣定內外處置一委幕府列藩體之大納言一條實良參議大原重德奏排幕議變攘夷爲鎖港之不可○七月毛利氏宰臣福原元佃國司朝相益田親施等

以攘君側之奸雪主冤舉攘夷之實爲名率兵入京師一橋慶喜命在京諸藩擊攘之長人奮鬪破幕兵逼宮闕會桑二藩防戰頗苦僅依嶋津氏援擊退之慶喜尋出兵大阪收長藩二邸奏停有栖川熾仁親王及鷹司輔熙以下七十餘人參朝幽閉之謂其庇護長人也○是月詔削毛利敬親父子官爵日以朝敵而敕幕府征討之將軍奉敕檄島津細川黑田淺野以下二十餘侯討之德川慶勝爲總督○幕府遣歐使池田筑後守等歸朝初池田等先入佛國說鎖港佛人不肯池田等觀文明日盛翻然有所感悟遂不歷其餘國而歸朝極口陳鎖港愚幕府固爲之然而憚朝議黜池田等○八月米蘭諸國聯合率軍艦十八隻砲擊馬關長人應戰頗努旣而彈藥盡遂陳情行成諸艦相引入橫濱要求償金三百萬元於幕府督促日急○十月先是水藩有正好二党内訐幕府命其支藩松平大炊頭賴德往而鎮定之武田耕雲齋正生佐之旣而賴德爲奸党所欺投之時藤田信等據筑波山聞之投正生正生遂決意容之合其衆欲入京訴事衝幕軍圍而脫界○十一月毛利敬親父子斬其宰臣益田福原國司等以下十餘人首謝罪於征長總督總督乃命四事容謝罪曰



毀山口城曰敬親父子來謝曰還五卿曰鎮激論者敬親父子皆聽命於是慶勝班  
征長軍○十二月幕府拘五卿於太宰府使島津細川鍋島有馬五侯監護之○慶  
應元年乙丑正月先是長人高杉晋作太田市之亟山縣狂介等在外至是歸國排  
斬恭順党糾合同志欲貫徹初志擁敬親父子傳檄防長二州憤慨自抑者踊躍從  
之晋作等率之將大有爲警至京師及幕府朝幕亦議再征時鳴津氏與長人連和  
密約攻守同盟而朝幕未知之也○野州宇都宮城主因幡守戶田忠廣坐失部下  
統御減其封二萬七千石移封奧州棚倉城尋復封宇都宮城○二月斬水藩脫士  
武田正生等二十餘人於越前敦賀○五月將軍家茂入朝奉敕發防長再征軍紀  
伊侯德川茂承爲先鋒總督井伊直憲越後高田城主榊田政敬爲先鋒爾餘侯伯  
屬中軍家茂在大阪城指揮總軍而論再征不可者多○九月小笠原長行復爲老  
中○是月米英蘭佛諸國帥兵艦九隻入兵庫推條約逼開港有事體不可忽者家  
茂因具狀請敕允朝議輒不決家茂深憂上表辭軍職朝廷察勢不得已假許開長  
崎箱館橫濱三港優詔留職○二年丙寅二月征長軍進至廣島建總督府召長人

命三條刻期復命曰削封十萬石曰禁錮敬親使嫡孫承後曰絕三渠帥後捕高杉  
晋作桂小五郎以下十二人出之而使往復不得要領○四月老中水野忠精罷  
縫殿頭松平忠淳肥前島原城主爲老中○六月長人遂不奉命幕府決意進兵防長四境高  
杉晋作山縣狂介井上聞多大村益次郎廣澤兵介等善戰幕軍每戰不利退保大  
野○七月老中松平忠淳罷○八月長人拔大野逼廣島幕軍不支○是月將軍家  
茂卒於大阪朝廷幕府失色慶喜承紛亂餘代視事遂托家茂死撤征長師遣勝安  
芳收兵班軍西事僅平自是強藩不受幕府制德川氏威權墜地○十一月慶喜拜  
征夷大將軍○十二月天皇崩

### 除封諸侯沿革略記

(自慶長七年至安政六年二百五十八年間計百三十一家)

五十一萬四千石

備前岡山

小早川左衛門督秀秋

小早川氏豐臣氏諸侯也爲左衛門尉隆景養子初承養父後領三十三萬六千石居筑前名島  
城慶長庚子役以內應功加封十七萬八千石移治備前岡山城七年十月卒無嗣國除

一萬五千五百石

濃州關

大島雲八郎光義



大島氏、德川氏譜第也、初領八千石居攝州太田手島慶長庚子役、以功加封一萬石、入侯籍、移治濃州關、九年八月、削二千五百石、分與其殘封於三子、脫侯籍、而三子並列旗下。

二萬石

陸奥古渡

山岡道阿彌景友

山岡氏、以道阿彌景友為中興祖、其祖大納言善男九代孫伴四郎資兼後也、初居江州瀨田城、受制織田信長、稱備前守、織田氏亡後、仕豐臣氏、剃髮為法印、秀吉卒後、屬德川氏、慶長八年十月、加封一萬石、併前封一萬石、至二萬石、移封奥州古渡、九年十二月、除封、更賜各五千石於義子新太郎景本及父主計頭景以並列旗下。

二十四萬石

尾州清洲

德川下野守忠吉

德川家康第四子也、初領十萬石、居武州忍城、慶長庚子役、以為其先鋒總督功、加封十四萬石、移治尾州清洲城、改稱薩摩守、十二年三月、國除。

二萬二千石

濃州清水

稻葉甲斐守通重

慶長十二年十二月、除封。

一萬三千石

山城三枝

津田長門守信成

慶長十二年十二月、除封。

八萬千石

伊賀上野

筒井伊賀守定次

筒井氏、大和舊族也、永祿中、至順慶、領本州半、與松永久秀相爭、天正五年、松永氏亡、順慶受制、織田信長、領全州、居郡山城、十二年五月卒、猶子藤四郎嗣立、為之定次、十三年七月、定次叙爵、稱伊賀守、以豐臣秀吉命、移治伊賀上野城、慶長庚子役、屬東軍、全本領、十三年六月、以藩政不

治、除封、更賜四千石於族主殿、列旗下。

五萬石

丹波矢上

前田主膳正宗利

前田宗利、德善院法印、立以子也、襲父後、居矢上城、慶長庚子役、屬西軍、引兵入丹後、亂平後、以父功、宥其罪、全本領、十三年六月、以狂、除封。

三萬石

常州笠間

小笠原和泉守吉次

小笠原氏、初領萬石、仕德川氏、慶長五年十一月、為德川忠吉傅相、移居尾州犬山城、十二年二月、加封萬石、罷相、移治下總佐倉城、十三年十二月、加封萬石、移封常州笠間城、十四年三月、除封。

十七萬石

伯州米子

中村式部少輔一氏

中村氏、豐臣氏諸侯也、初領十四萬二千石、居駿州府中城、慶長五年十一月、以關原役功、加封二萬八千石、移封伯州米子城、改稱伯耆守、嫡子一學、賜將軍秀忠偏諱、改名忠氏、稱松平伯耆守、十四年五月、忠氏國除。

五萬石

遠州濱松

松平左馬允忠賴

慶長十四年十月、除封、更賜八千石於嫡子大膳亮忠重、列旗下。

三十五萬石

越後高田

堀越後守忠俊

堀忠俊、久太郎久政嫡孫、父秀也、秀政初仕織田信長、居江州長濱城、天正十一年、屬秀吉、轉同州佐和山城、十三年、以二十九萬石餘、轉封越前、治北庄城、稱左衛門督、十八年五月卒、小田原陣中、嫡子左衛門督秀治嗣、慶長三年、加封十六萬石餘、移封越後、治春日山城、高田通前封、至四



十五萬石餘、五年庚子役、屬東軍、全其封、十一年卒、其子越後守忠俊嗣、十五年閏二月、藩政不治、以三十五萬石國除、更賜其族人於二千石存祀、

十萬石

尾州犬山

平岩主計頭親吉

平岩氏、德川氏譜第也、初領三萬石、居上州厩橋城、慶長八年正月、加封二萬石、移封甲州、十二年閏四月、爲尾張侯義利傳相、加封五萬石、移治尾州犬山、十六年十二月、除封、

二萬石

濃州有智

金森五郎八長光

金森可重子也、慶長十二年八月、分受父封內二萬石、十六年十二月、卒、無嗣、除封、

三萬石

參州吉田

松平與次郎家清

初領一萬石、居武州八幡山、慶長六年二月、以關原戰功、加封二萬石、移封參州吉田城、叙爵稱、  
立蕃頭、十七年四月、其子民部少輔忠清除封、更賜五千石於弟床次郎、列旗下、

三萬石

武州八王子

大久保石見守長安

慶長十八年七月、有罪、除封、賜死、

三萬石

武州鴻巢

伊奈備前守忠次

伊奈氏、初領一萬石、居鴻巢、慶長八年、以治水墾田功、加封萬石、十八年七月、其子備前守忠正、  
除封、更賜忠正子熊藏於廩米五千石存祀、

二萬石

駿州沼津

大久保次左衛門忠佐

初領三千石、居上總裳原、慶長六年二月、以關原戰功、加封一萬七千石、移封駿州沼津城、十八

年九月、其子治左衛門忠成、除封、更賜五千石於族主膳列旗下、

十二萬石

伊豫宇和島

富田信濃守知信

富田氏、豐臣氏諸侯也、初領十萬石、居勢州安濃津城、慶長庚子役、以固守其居城功、加封二萬石、移封豫州宇和島城、十八年十月、除封、

一萬石

上州群馬郡

里見讚岐守義英

慶長十八年十月、除封、

五萬三千石

日向延岡

高橋右近大夫元種

慶長十八年十月、坐與富田知信、匿坂崎左門、除封、

八萬石

信州深志後松本

石川立蕃頭康長

石川康長、伯耆守數正嫡男也、數正初仕德川氏、守參州岡崎城、天正十三年十一月、叛德川氏、  
棄岡崎城、走大阪、十八年、北條氏亡後、以秀吉命、移治信州深志城、領十萬石、改稱出雲守、尋卒、  
康長嗣、分與二萬石於次弟肥後守數矩、而康長、慶長十八年十月、坐大久保長安罪、除封、

一萬石

信州筑摩郡

石川肥後守數矩

石川數矩、立蕃頭康長次弟也、天正十八年十月、分受兄康長封內二萬石、別立家、慶長十八年  
十月、與兄俱、坐大久保長安罪、除封、

四萬五千石

相州小田原

大久保相模守忠隣

大久保忠隣、七郎右衛門忠世子也、初忠世仕德川氏、有累勳、天正十八年、北條氏亡、及家康移



關東忠世以四萬石賜相州小田原城移治焉文祿三年九月卒忠隣襲其後加封五千石慶長十九年正月坐犯婚姻禁除封

三萬九千石

野州佐野

佐野修理大夫政綱

佐野政綱鎮守府將軍藤原秀鄉裔佐野太郎基綱後也天正十三年十二月政綱養祖父修理亮宗綱戰死彥間城無嗣天德寺了伯弟也欲養佐竹氏子為嗣家臣不可迎立北條氏政弟左衛門佐氏忠為佐野氏後了伯怒之去之上國十八年及豐臣秀吉征下關東了伯從軍既而北條氏亡氏忠亦戰死了伯因請秀吉旨以富田左近將監第二子為佐野氏後為之政綱慶長庚子役政綱屬東軍全其本領觀德川氏十九年正月坐大久保忠隣罪除封

七萬石

攝州高槻

高山右近大夫長行

長行一長房又曰友祥初歷仕織豐二氏領二萬五千石居攝州高槻城天正十一年賤嶽役起長行坐怯懦除封至加州寄食前田氏慶長庚子役屬東軍有功以七萬石復歸故封高槻城十九年三月以犯國禁信異教獲罪除封

六十五萬七千石

攝州大阪

豐臣右大臣秀賴

豐臣秀賴太閤秀吉子也元和元年五月與德川家康戰敗戰死大阪城或曰免死因國除

八萬石

丹波萱野

織田民部少輔信重

織田信重上野介信包子也信包初永祿中出為勢州長野氏嗣稱長野三十郎歷豐臣氏至德川氏信重以八萬石繼其後復本姓織田氏元和元年六月以家政不齊除封

六萬石

遠州橫須賀

大須賀五郎左衛門忠政

大須賀氏德川氏譜第也初領三萬石居上總久留里慶長五年九月為江州大津城代六年二月以庚子役功加封三萬石移治遠州橫須賀城賜松平姓叙爵稱出羽守元和元年六月為榊原康勝嗣收封

三萬石

大和宇陀

福島掃部頭正賴

福島氏豐臣氏諸侯也初領一萬石居伊勢長島以慶長庚子役功加封二萬石移治和州宇陀元和元年六月除封

一萬三千石

勢州

古田織部正重然

古田氏兵部大輔重勝族也初食三千石慶長五年十一月以戰功加封七千石元和元年六月除封

一萬八千石

大野修理亮治長

大野氏豐臣氏家人也慶長七年以關原役功賜一萬三千石列侯籍十八年二月加封三千石元和元年九月坐叛亂除封

一萬五千石

野州西形

藤田能登守信吉

藤田氏元上杉氏家臣也後去歸德川氏慶長六年十一月新賜一萬五千石列侯籍元和二年七月除封

六十萬石

越後高田

松平竹麿忠輝

忠輝德川家康第六男也初領一萬石居武州深谷慶長七年十二月加封四萬石移封下總佐



倉城叙爵稱上總介八年二月加封十四萬石移封信州川中嶋城十五年閏二月加封四十二萬石轉封越後高田城元和二年八月國除

二萬石

石州津和野

阪崎右京亮成正

阪崎氏本姓淨田氏也慶長庚子役屬東軍以功賜二萬石移治津和野城元和二年九月除封

五萬石

伯州黑坂

關長門守一政

關氏初領三萬石居濃州土岐慶長五年十一月以關原戰功復治故封勢州龜山城十五年七月加封二萬石移封伯州黑坂城元和三年七月除封

九萬五千石

越後村上

村上周防守義明

村上義明元丹羽長秀家人也長秀卒後仕豐臣秀吉及堀秀治封越後義明以秀吉命屬之領九萬五千石移治同州本庄城後改稱村上城慶長庚子役屬東軍全其封元和四年三月連坐上總介忠輝宰臣花井主水罪除封

一萬石

越後藏王

近藤信濃守政成

近藤政成堀左衛門督秀政季子也出嗣家臣近藤織部重勝後因稱近藤氏分領叔父美作守親良遺領一萬石居藏王元和四年六月卒嫡子織部重直以幼弱不堪藩任減封六千石脫侯籍列旗下

一萬石

由良信濃守貞繁

由良氏新田氏族也世居上野至貞繁領萬石仕德川氏元和七年三月卒無嗣除封更賜千石

於族新太郎忠繁例旗下

一萬石

上州大戶

岡越前守成定

岡氏慶長庚子役應東軍有功賜萬石居大戶元和七年七月除封

十六萬五千石

下野宇都宮

本多上野介正純

上野介正純佐渡守正信長子也初父正信領相州甘繩二萬石正純別領野州小山一萬三千石元和五年十月正純加封十三萬二千石移治野州宇都宮併父封額至十六萬五千石八年四月有罪除封

一萬石

野州烏山

成田左馬介氏宗

成田氏武州舊族也世居忍成田城天正十八年至下總守長康與其子長忠俱援北條氏抗豐臣氏軍戰敗中絕後不幾長忠為蒲生氏鄉所推舉調關白秀吉更賜三萬七千石復家稱左衛門尉移治野州烏山城慶長庚子役屬東軍全封元和二年六月長忠卒嫡子左馬介氏宗幼因減封二萬七千石九年二月氏宗卒無嗣除封

三萬石

濃州揖斐

西尾豐後守光教

西尾氏初領二萬石慶長五年十一月以關原戰功加封萬石元和九年四月其子出雲守嘉教除封

一萬石

野州白井

本多三郎紀貞

慶長十九年十二月新封元和九年四月除封



三十二萬石

筑後久留米

田中兵部少輔吉政

田中氏、豐臣氏諸侯也。初領六萬石。居參州岡崎城。慶長庚子役、應東軍有功。加封二十六萬石。移封筑後久留米城。改稱筑後守。十四年二月、嫡子民部大輔長顯嗣。賜將軍秀忠偏諱。改名忠政。稱筑後守。元和六年八月、國除。更賜三萬石於弟久兵衛吉道。存祀。九年九月、其子主殿頭定政。除封。改賜廩米二千苞。列旗下。

一萬石

出羽仁賀保

仁賀保兵庫頭舉誠

舉誠、初領五千石。居出羽仁賀保。慶長七年、轉采地於常州武田。元和九年十二月、加封五千石。入侯籍。復治故封。仁賀保。寬永二年二月、減封千石。脫侯籍。分與殘封九千石於三子。並列旗下。

一萬石

上州豐岡

根津神平吉直

寬永二年四月卒。無嗣。除封。

四十九萬八千石

安藝廣島

福島左衛門大夫正則

福島氏、豐臣氏諸侯也。初領十八萬石。治尾州清洲城。慶長庚子役、援東軍有功。加封三十一萬八千石。移治藝州廣島城。元和五年六月、國除。同年七月、更賜四萬五千石。移居信州川中島。寬永元年七月、自殺。家臣詐稱病死。不俟檢使而火葬。因又除封。更賜二千石於庶子左兵衛正長。列旗下。

五萬石

上州藤岡

松平修理大夫康國

松平氏、本姓依田氏也。初領三萬石。慶長七年二月、加封二萬石。寬永二年八月、其子修理大夫

昌章除封。

二萬石

丹波綾部

別所豐後守吉治

別所氏、播州舊族也。至吉治。領二萬石。居綾部。寬永五年二月、以懶惰缺。參觀罪。除封。更賜五百石於嫡子孫次郎友治。存祀。

一萬石

駿州興國寺

天野三郎兵衛康景

天野氏、初領五千石。仕德川氏。居下總。慶長六年二月、以關原戰功。加封五千石。入侯籍。移治駿州興國寺城。十六年三月、除封。寬永五年九月、更賜二千石於嫡子對馬守康宗。各千石於次子友兵衛康勝。三子六右衛門康世。並列旗下。

二萬六千石

和州谷河

桑山伊賀守直晴

桑山氏、豐臣氏諸侯也。慶長庚子役、應東軍。全本領是歲十一月、移治和州谷河。寬永六年十月、其嗣伊賀守直晴卒。無嗣。除封。更賜五百石於弟主水榮晴。列旗下。存祀。

一萬五千石

遠州井伊谷

近藤石見守秀用

近藤氏、遠州舊族也。初領一萬石。慶長十九年十二月、加封五千石。寬永八年二月、削封千二百石。尋分與五千五百五十石於長子登之助貞用。五千石於次子彥九郎用將。三千二百石於三子內之助辭侯籍。而三子並列旗下。

一萬石

江州大森

最上出羽守義光

最上氏、元斯波氏也。豐臣氏時、其裔義光。領二十四萬石。居出羽山形城。慶長庚子役、通款德川



家康發兵鎮定東北六年八月以功加封二十八萬石通前封至五十二萬石元和八年五月其子源五郎義俊除封更賜一萬石於近江參河二州內存祀義俊移居江州大森寬永八年十一月義俊子刑部義智削五千石脫侯籍列旗下

十萬石

濃州加納

菅沼小大膳正家

初領二萬石居上州吉井慶長七年十二月養與平信昌第三子忠七郎為嗣忠七郎賜德川秀忠偏諱叙爵稱飛彈守忠政十五年七月忠政賜生父信昌封十萬石移治濃州加納城因收吉井二萬石寬永九年正月至其子飛彈守忠隆除封

十萬石

濃州加納

奧平美作守信昌

奧平氏德川氏譜第也初領二萬石居上州宮崎慶長五年九月補京都所司代六年二月以庚子役功加封八萬石移治濃州築城加納賜之元和元年三月賜其城邑於三子菅沼攝津守忠政寬永九年正月至其子飛彈守忠隆除封

五十二萬石

肥後熊本

加藤主計頭清正

加藤氏豐臣氏諸侯也初以二十七萬石封肥後半州治熊本城慶長庚子役應東軍鎮定九州以功加封二十五萬石賜肥後全州十七年正月嫡子虎之助嗣賜將軍秀忠偏諱稱肥後守忠廣寬永九年五月國除

三萬五千石

甲州谷村

鳥居久五郎成次

久五郎成次彥右衛門元忠第二子也慶長六年以關原戰功新賜一萬八百石移治甲州谷村叙爵稱土佐守元和元年十二月以大阪役功加封一萬石五年十二月為甲斐參議德川忠長

宰臣寬永元年十二月加封七千石通前封至三萬五千石九年十月除封更賜二千石於嫡子久太夫成重列旗下

一萬七千石

成瀬伊豆守之成

成瀬之成隼人正正成子也元和六年九月分受父封內一萬五千石列侯籍寬永三年九月加封二千石九年十年除封

二萬六千石

遠州掛川

朝倉筑後守宣正

初領六千石仕德川氏元和七年十二月加封四千石為甲斐忠長傳相明年十二月加封六千石寬永二年正月加封萬石移治遠州掛川城十年正月及忠長國除坐而除封

一萬石

三枝勘解由守昌

元和四年三月賜萬石為甲斐忠長傳相及忠長國除與屋代吉正俱坐而除封寬永十七年九月更賜七千石於其長子內匠三千石於次子勘兵衛賴信並列旗士

五十五萬石

駿州府中

德川權大納言忠長

忠長將軍德川秀忠第二子也幼名國千代元和四年三月以二十四萬石封甲斐居府中城六年八月任中將寬永二年正月加封三十一萬石移封駿遠二州治駿州府中城三年八月任權大納言十年正月國除

二十三萬五千石

雲州松江

堀尾山城守忠晴

堀尾忠晴帶刀先生吉晴嫡孫也初吉晴仕豐臣氏天正十一年五月賜一萬七千石移治若州



高濱城尋加封三千石移江州坂本城十三年七月加封二萬石轉同州佐和山城十八年九月加封八萬石移封遠州濱松城秀吉卒後慶長五年二月加封六萬石兼治越前府中城是歲關原役起吉晴與嫡子信濃守忠氏俱應東軍有功加封五萬五千石移封出雲隱岐二州通前封至二十三萬五千石城雲州末次改稱松江城移治焉九年八月忠氏先父卒忠氏子小太郎嗣爲之忠晴寬永十年九月忠晴卒無嗣國除

二十四萬石

豫州松山

蒲生飛彈守秀行

飛彈守秀行參議氏鄉子也初氏鄉翼豐臣秀吉平定海內封與州會津號封額歲入百二十萬石文祿四年二月卒秀行嗣慶長三年春秀吉爲秀行少弱不堪大任奪會津更賜十二萬石於野州移治宇都宮城是歲秀吉卒五年庚子役起秀行屬東軍守居城鎮定東北亂平以功加封四十八萬石復封會津城通前封至六十萬石十七年五月嫡子龜千代嗣賜將軍秀忠偏諱叙爵稱下野守忠鄉寬永四年正月卒無嗣弟中務大輔忠知嗣減封三十六萬石移封豫州松山城十一年八月忠知卒無嗣國除

二萬石

豐後府內

竹中采女正重次

竹中重次半兵衛尉重治孫也重治初仕齋藤氏居濃州菩提城齋藤氏亡後仕織田氏屬秀吉部下天正七年三月卒播州子源助尙幼秀吉賜之菩提城六千石爲重治後稱丹後守重門慶長庚子役重門屬東軍有功加封一萬四千石至二萬石移治豐後府內城寬永八年十月卒有二男長曰左京亮重常次即重次也重常以故不嗣重次代襲家督爲長崎奉行十一年九月有罪除封賜死後其族賜五千石列旗下居濃州岩手爲交代寄合集

三萬石

和州高取

本多因幡守俊政

本多氏德川氏譜第也初領二萬七千石慶長五年十一月以關原戰功加封三千石寬永十四年七月其子因幡守政武除封

八萬石

肥前唐津

寺澤志摩守廣孝

寺澤氏初領八萬石慶長庚子役應東軍有功加封肥後天草四萬石通前封至十二萬石寬永十五年四月其子兵庫頭堅高削封四萬石二十年七月除封

五萬五千石

肥前島原

松倉豐後守重勝

松倉氏元筒井氏宰臣也初食五千石居和州五條慶長庚子役以戰功加封二萬石新入侯籍元和元年十二月以大阪前後役功加封三萬石移封肥前島原城寬永十五年十一月其子長門守重治除封

一萬石

肥前島原新田

松倉左近大夫勝友

寬永十五年十一月坐宗家豐後守重勝罪除封

三萬石

信州飯山

佐久間備前守安政

初領一萬石元和元年十二月以大阪役功加封二萬石寬永十五年十二月其子三五郎勝長除封

六萬五千石

備中松山

池田備中守長吉

池田長吉勝三郎信輝第二子也慶長五年十一月以關原役戰功新賜六萬石移治因州



鳥取城、元和三年三月、其子備中守長幸加封五千石、移封備中松山城、寬永十六年九月、長幸子、出雲守長常除封、

三萬石

野州皆川

本多大隅守忠純

本多忠純、佐渡守正信第三子也、慶長十二年二月、新賜萬石、居下總榎本、元和元年十二月、以大阪役功、加封二萬石、移治野州皆川、寬永十七年四月、除封、

三萬石

奧州二本松

加藤民部少輔明利

加藤明利、左馬助嘉明第二子也、寬永四年二月、分受父封內奧州會津地二萬石、別立家、尋加封萬石、移居同州三春城、五年十一月、移治同州二本松城、十八年三月、除封、更賜三千石於嫡子彌三郎明勝、列旗下、

三萬石

奧州三春

松下右衛門佐吉綱

松下氏、元今川氏家臣也、後爲豐臣氏諸侯、領萬石、居遠州頭陀寺、慶長庚子役、應東軍有功、加封萬石、移封駿州久能城、七年十二月、其子石見守重綱、加封萬石、移治常州小張、元和九年十二月、加封萬石、通前封至四萬石、移治野州鳥山城、寬永四年十二月、移封奧州二本松城、二十年十一月、重綱子石見守長綱、減封一萬石、移同州三春城、正保元年四月、除封、

一萬石

常州片野

瀧川下總守雄利

慶長十五年十二月、賜萬石、列侯籍、寬永中、其子壹岐守正利、削封八千石、脫侯籍、入旗下、

四萬石

丹波龜山

菅沼織部正定盈

菅沼氏、德川氏譜第也、初領一萬石、居上州阿布、慶長六年二月、以關原戰功、加封一萬石、移封伊勢長島城、元和五年正月、其子左近將監定芳、加封一萬石、轉江州膳所城、寬永十一年十一月、加封萬石、移封丹波龜山城、正保元年三月、定芳子左近將監定昭、除封、更賜七千石於弟主水定貫、三千石於次弟主稅定賞、並列旗下、

五萬四千七百石

播州赤穂

池田右近大夫政綱

池田政綱、又書輝興參議輝政六男也、元和元年六月、分領父封內播州佐用郡、別立家、寬永八年五月、以五萬四千七百石、移治同州赤穂城、正保二年三月卒、無嗣、除封、

一萬五千石

常州府中

皆川山城守廣照

皆川氏、野州舊族也、天正末、領三萬石、居同州皆川城、慶長八年二月、爲上總介忠輝傳相、加封萬石、移治信州飯山城、元和二年八月、除封、九年十二月、更賜一萬五千石於嫡子山城守隆庸、移治常州府中、正保二年十月、其嗣又四郎成鄉卒、無嗣、除封、更賜弟佐兵衛慶隆於五千石、列旗下、

一萬五千石

內藤主稅介信廣

內藤信廣、豐前守信成第二子也、慶長十九年、新賜五千石、出仕、叙爵、稱石見守、慶安元年三月、加封萬石、入侯籍、爲大阪定番、同年六月、除封、更賜五千石於嫡子伊勢守信光、列旗下、

六萬二千石

石州濱田

古田兵部少輔重勝

古田氏、豐臣氏諸侯也、初領三萬七千石、居伊勢松阪城、慶長庚子役、以守其居城功、加封二萬三千石、元和五年七月、其子大膳亮重治、加封二千石、移封石州濱田城、慶安元年六月、重治子、



兵部少輔重恒除封、

四萬五千七百石

丹波福知山

稻葉藏人道周

稻葉氏、豐臣氏諸侯也、初領二萬五千七百石、居伊勢岩手城、慶長庚子役、以守其居城、功加封二萬石、移治同州田丸城、元和二年正月、其子淡路守紀通、轉封攝州中島城、寬永元年十月、又轉丹波福知山城、慶安元年八月、除封、

六萬石

濃州高須

德永石見守壽昌

德永氏、豐臣氏諸侯也、初領二萬石、居濃州本慶長五年十一月、以關原戰功、加封四萬石、移治同州高須城、寬永五年二月、其子左馬介昌重、除封、慶安四年六月、改賜二千石於嫡子下總守正勝、列旗下、

一萬石

濃州德野

平岡石見守重定

慶長十年八月、新賜一萬石、居德野、承應二年七月、其子石見守重、常除封、更賜二千石於嫡子市十郎賴重、列旗下、

四萬石

伯州倉吉

里見安房守義康

安房守義康、治部大輔義實裔也、至天正末、義康領九萬二千石、居房州館山城、慶長庚子役、以德川家康命、守居城、任關東防衛有功、加封二萬八千石、通前封至十二萬石、其子忠義、十九年九月、削八萬石、以殘封四萬石、移治伯州倉吉城、元和八年六月、除封、

三萬五千石

但馬豐岡

杉原伯耆守長房

杉原氏、初豐臣氏時、領三萬石、居播州三木城、慶長庚子役、屬東軍、全本領六年十月、加封五千石、移封但州豐岡城、承應二年十月、其子帶刀重元、除封、

二萬石

豐後府內

日根野織部正吉明

日根野氏、美濃人也、初仕齋藤氏、天正末、領一萬五千石、居信州高島城、慶長七年十二月、移封野州壬生城、寬永十一年十月、加封五千石、移封豐後府內城、明曆二年三月、除封、

三萬石

遠州掛川

北條右衛門大夫氏勝

北條氏、本姓福島氏也、小田原亡後、領萬石、仕德川氏、居下總岩富、元和二年十二月、其子出羽守氏重、以大阪役功、加封萬石、移治遠州久能、寬永十四年正月、移封下總關宿城、十六年九月、加封萬石、正保元年三月、加封五千石、移治駿州田中城、慶安元年九月、移治遠州掛川城、萬治元年十一月、除封、

二萬石

參州刈屋

久松能登守定政

久松定政、隱岐守定勝六男也、寬永十二年十一月、新賜七千石、出仕、爲扈從番頭、賜居勢州長島城、慶安二年二月、加封一萬三千石、移封參州刈屋城、萬治二年七月、除封、更賜二千五百石於嫡子數馬、定知、五百石於次子傳右衛門定清、並列旗下、

一萬石

播州佐用

池田石見守輝澄

池田輝澄、參議輝政四男也、元和元年六月、分受父封內六萬五千石、移治同州山崎城、寬永十年七月、以藩政不洽、除封、更賜萬石於嫡子能登、守政直、存祀、政直、移治同州佐用、寬文五年十二月卒、以嗣子幼、除封、更賜五千石於長子久米之助、政武、三千石於次子庄右衛門正勝、並



列旗下、

四萬石

上州安中

水野太郎左衛門分長

初領萬石居參州新城慶長六年二月以關原戰功加封萬石移治尾州小川城叙爵稱備後守  
十一年六月加萬石復封新城元和六年四月為水候賴房傳相正保二年閏五月其子備後守  
元綱加封萬石轉治上州安中城寬文七年五月元綱子信濃守元知除封更賜廩米二千苞於  
嫡子彈正列旗下、

一萬石

播州新宮

池田越前守長利

元和元年七月新賜萬石入侯籍三年九月移治播州新宮寬文十年其子又八郎薰時除封更  
賜三千石於弟治左衛門列旗下、

三萬石

奧州一之關

伊達兵部少輔宗勝

伊達氏仙臺藩支封也寬文十一年四月以紊亂宗家藩政罪除封賜其跡于宗家、

三萬石

備中庭瀨

戶川肥後守達安

戶川氏元浮田氏家臣也慶長庚子役屬東軍以戰功賜庭瀨城三萬石寬永五年二月其子土  
佐守正安分與三千四百石於次弟內藏助三千石於三弟主膳千二百石於四弟主水寬文九  
年四月正安子玄蕃頭定家分與墾田千五百石於弟奎之助延寶二年十月定家子縫殿助安  
風以殘封二萬二千四百石除封更賜其子犬千代於五千石列旗下、

一萬石

野州大輪

土井信濃守利直

土井利直大炊頭利勝四男也正保元年九月分受父封內五千石別立家萬治元年九月分受  
兄大炊頭利重封內五千石至萬石入侯籍移居大輪延寶三年為奏者番五年三月除封更賜  
五千石於族左衛門利長列旗下、

三萬石

播州宍粟

池田數馬恒行

池田恒行武藏守利隆第二子也元和元年分受父封內三萬石別立家寬文十一年九月卒子  
豐前守恒行嗣延寶五年五月恒行卒以叔父綱政子數馬為其後明年十二月數馬早世無嗣  
除封

二萬石

上總久留里

土屋伊豫守賴直

土屋賴直但馬守數直兄也延寶七年八月以厄弱不堪藩任除封更賜三千石於嫡子主稅達  
直列旗下、

二萬石

上總久留里

土屋總藏忠直

土屋氏元武田氏家臣也武田氏亡後仕德川氏至天正末食三千石居相州禰宜慶長七年十  
二月以關原戰功加封一萬七千石入侯籍移治上總久留里城叙爵稱民部少輔延寶七年八  
月其孫伊豫守賴直除封更賜三千石於嫡子主稅達直列旗下、

一萬石

常州香取

堀市正利重

慶長十年新賜八千石為書院番頭元和八年加封萬石入侯籍移治常州香取尋加增二千石  
至一萬石延寶七年十二月其子市正通周除封更賜三千石於義子主稅列旗下、

三萬千七百石

志州鳥羽

內藤甚十郎忠重



內藤忠重、仁兵衛忠政第二子也。慶長六年十二月新賜三百石。仕德川氏爲小性。十五年正月加賜四百石。元和八年十二月加賜千石。叙爵稱伊賀守。寶永二年九月加增五千石。爲書院番頭。三年十二月加封一萬石。入侯籍。移治野州佐野。十一年十二月加封一萬五千石。移封志州。鳥羽城。延寶八年六月某其和泉守忠勝除封。更賜二千石於嫡子甚十郎。列旗下。

二十六萬石

越後高田

松平越後守光長

松平光長、參河守忠直子也。初父忠直以六十七萬石居越前福井城。元和九年五月以罪國除。流豐後。光長因更賜二十六萬石。存祀。移治越後高田城。天和元年六月光長有罪國除。元祿中其族宣富封作州津山存祀。

三萬石

上州沼田

真田伊賀守信澄

真田信澄、伊豆守信幸嫡子。河內守信吉子也。信吉先父卒。不嗣家。弟大內記信政自沼田入。繼本宗。因信澄承信政後。居沼田城。天和元年十一月有罪除封。更賜二千石於其子彈正忠信。就列旗下。

四萬石

駿州田中

酒井日向守忠能

酒井忠能、阿波守忠行子也。寬永十四年正月分受父封內二萬二千五百石。別立家。寬文二年六月加封七千五百石。移治信州小諸城。延寶七年九月加封萬石。移封駿州田中城。天和元年十二月除封。及兄忠清被譴。以安居城邑無禮也。元祿三年八月更賜廩米三千石。十五年十二月加增二千石。換賜廩米於采地。併至五千石。列旗下。

一萬三千石

遠州掛塚

加々瓜甲斐守直澄

加々瓜氏、初仕德川氏。領九千五百石。居掛塚。寬文元年十一月加增五百石。入侯籍。爲寺社奉行。八年十二月加封三千石。天和元年二月直澄子土佐守直時除封。

一萬六千石

大和布施

桑山修理亮一晴

桑山氏、豐臣氏諸侯也。慶長庚子役應東軍。全其本領。是歲十一月移封和州布施。天和二年五月其孫美作守一尹除封。

四萬石

肥前島原

高力河內守清長

高力氏、德川氏創業功臣也。初領二萬石。居武州岩槻城。元和五年九月其子左近大夫忠房加封一萬五千石。移治遠州濱松城。寬永十二年八月加封五千石。通前封。至四萬石。十五年十月移封肥前島原。改稱攝津守。明曆元年十二月忠房子左近大夫隆長分與三千石於弟左京亮政房。寬文八年二月隆長除封。天和三年更賜三千石於其子伊豫守常長。列旗下。

二萬石

陸奥菊多

土方掃部頭雄重

土方雄重、河內守雄久第二子也。初分領父遺領一萬石。居能州。慶長九年加封五千石。元和八年九月加封五千石。通至二萬石。移治奥州菊多。延寶七年十月其子河內守雄次嗣。分與二千石於三子民部雄賀。貞享元年七月雄次子伊賀守雄直除封。

一萬二千石

濃州青野

稻葉八左衛門正次

慶長八年三月新賜五千石。居青野。慶安三年十一月其子權佐正吉叙爵稱伊勢守。延寶二年正月正吉子權佐正休爲小性番頭。稱石見守。天和元年七月以累勳加賜二千石。二年三月以破格補若年寄。是歲八月加封五千石。入侯籍。貞享元年八月除封。



二萬石

上總佐貫

松平出雲守勝隆

初領五千石慶長十八年七月加封五千石入候籍寬永十六年正月加封萬石為寺社奉行移治上總佐貫城延寶六年三月其子山城守忠勝為寺社奉行貞享元年十二月除封更賜五百石於嫡子彈之助勝秀存祀

二萬石

野州烏山

那須左京大夫資景

那須氏野州舊族也至德川氏領五千石居那須承應元年二月加增二千石寬文四年十二月其子遠江守資彌加封五千石至一萬二千石入候籍天和元年二月加封八千石移治同州烏山城貞享二年十月資彌子遠江守資祇除封更賜千石於義子餘一資德列旗下

一萬石

相州深見

坂本小左衛門重安

初食祿五百七十石仕德川氏寬文二年七月其子內記重治加增二千石天和二年十月加封七千五百石至一萬石餘入候籍為寺社奉行貞享四年五月除封

一萬石

參州足助

本多造酒允忠尙

本多忠尙能登守忠義第五子也寬文二年十一月分受兄彈正少弼忠晴封內二千五百石延寶三年九月為書院番頭叙爵稱淡路守天和元年九月加封三千石三年二月加封三千石至萬石入候籍補寺社奉行移治參州足助貞享四年五月其子淡路守忠固削封五千石脫候籍列旗下

一萬石

溝口孫左衛門善勝

溝口善勝伯耆守秀勝第二子也慶長十四年新賜二千石出仕為小性叙爵稱伊豆守寬永十一年分受兄伯耆守宣勝封內一萬二千石入候籍分與三千石於次子權助佐勝千石於三子九十郎直勝貞享四年八月其孫帶刀政有除封更賜五百石於族孫四郎存祀

一萬八千石

信州長沼

佐久間大膳亮勝元

初領八千石元和元年十二月以大阪役功加封萬石入候籍寬永十一年十二月分與五千石於弟源六郎勝盛元祿元年五月其孫大膳亮勝親除封

一萬三千石

堀田對馬守正英

堀田正英幼名虎之助筑前守正盛子也慶安四年八月分受父封內五千石別立家叙爵稱對馬守為小性延寶四年六月進大番頭八年十一月加增三千石天和元年九月加封五千石至一萬三千石入候籍為西城若年寄元祿元年九月除封更賜三千石於長子小十郎二千石於次子大助並列旗下

二萬千石

武州北見

北見五郎左衛門勝成

北見氏本州舊族江戶重長後也鎌府時重長始居江戶子孫因稱江戶氏重長後九傳而至重廣康正長祿際及太田道灌築江戶城重廣以扇谷定正命移武州北見改江戶氏稱北見氏天正末其裔仕徽川氏食五百石為之五郎左衛門勝成慶長五年勝成從軍關原役以功加賜五百石元和三年正月追錄大阪前後役功加賜千石寬永四年十二月為泉州堺奉行叙爵稱若狹守七年十二月其孫若狹守重政加賜二千石天和三年正月加賜六千石通前封至萬石入候籍為寺社奉行貞享三年正月其子若狹守重恒加封萬石元祿二年二月除封



一萬石

安房東條

西鄉若狹守正貞

西鄉氏參河舊族也。正貞初食二千石。仕德川氏。居下總生實。慶長十九年十月。加增八千石。入侯籍。移治房州東條。元祿六年六月。其曾孫若狹守延員。減封四千石。脫侯籍。入旗下。

一萬石

奧州岩瀨

本田出雲守忠朝

出雲守忠朝。中務大輔忠勝第二子也。慶長六年二月。新賜五萬石於父封內。上總國。居大多喜城。元和元年六月。忠朝戰死。大阪役。嫡子入道。鷹政勝幼。從弟甲斐守政朝。權襲其封。三年九月。政朝移封播州龍野城。八年。政勝既長。政朝還封。政勝立。敘爵稱大內記。寬永十六年三月。宗家嗣絕。政勝入嗣。其子八郎兵衛勝行。襲父封。慶安三年六月。勝行卒。賜其封於宗家。寬文十一年十二月。政勝分與大和六萬石於次子出雲守政利。為勝行後。貞享二年六月。政利移封播州明石城。天和二年二月。除封。更賜一萬石於嫡子內匠頭正貞。移治奧州岩瀨。元祿六年六月。除封。

五萬石

備中松山

水谷左京大夫勝俊

水谷氏。常州舊族也。至伊勢守治持。受制豐臣氏。領二萬五千石。居下館城。慶長元年六月。卒。勝俊其弟也。承兄後。五年。庚子。役。以德川家康命。守其居城。因加封五千石。併墾田二萬石。至五萬石。寬永十六年六月。移封備中松山城。寬文四年五月。其子左京亮勝家。分與二千石於弟新右衛門。元祿六年十一月。其子彌七勝美。除封。更賜三千石於叔父主水勝時。列旗下。

四萬三千石

越前九岡

本多飛彈守成重

本多氏。初領三千石。居上總小原。慶長八年六月。加封四萬石。為越前中納言秀康傳相。移治同州九岡。寬永元年五月。秀康嗣。參河守忠直。國除。成重因還幕府。元祿八年。其孫飛彈守重充。除封。

一萬石

甲州德美

伊丹熹三郎勝重

初領九千石。寬永九年十月。敘爵稱播磨守。為甲府城番。十年二月。加封三千石。入侯籍。十九年三月。為勘定頭。承應二年閏六月。其子播磨守康勝。分與墾田二千石於弟內匠。寬文二年三月。康勝子播磨守勝長。創二千石。元祿十一年九月。勝長子左京勝守。除封。

五萬三千石

播州赤穂

淺野采女正長重

淺野長重。彈正大弼長政第二子也。慶長十一年十一月。相續父遺領五萬五千石。移治常州笠間城。正保二年三月。其子內匠頭長直。移治播州新城。赤穂治之。寬文十年三月。長直子采女正長友。分與三千五百石於次弟內記。墾田三千石於三弟長三郎。元祿十四年三月。長友子內匠頭長矩。有罪。賜死。沒其城邑。

一萬石

勢州長島

久松因幡守康元

康元初領四萬石。治下總關宿城。元和二年九月。其子甲斐守忠良。以大阪役功。加封一萬石。移封濃州大垣城。寬永元年十二月。忠良子因幡守忠憲。移封信州小諸城。分與根津五千石於庶兄采女忠節。慶安二年二月。忠憲除封。更賜萬石於弟數馬良尚。移居野州。那須存祀。尋移伊勢長島城。叙爵稱佐渡守。元祿十五年八月。其子佐渡守忠充。除封。改賜五千石於忠充長子。又四郎康顯。千石於次子造酒允康鄉。並列旗下。

二萬石

越前丹生

本庄內膳正宗長

本庄宗長。伯耆守資俊第二子也。慶安元年。新賜廩米千石。出仕。四年十二月。加增千石。換賜廩米於采地。至二千石。寬文元年八月。加增二千石。寶永二年三月。加封六千石。至萬石。入侯籍。賜。



松平姓移治丹生三年三月加封一萬石正德元年十一月其子三四郎宗朝早世無嗣除封

一萬石 安房北條 屋城越中守吉正

初領萬石居北條元和四年三月爲甲斐忠長傳相及忠長移駿州國除座而除封寬永十五年三月改賜北條故封一萬石復家正德二年十月吉正子越中守忠俊除封更賜廩米三千苞於其族人存祀

二萬五千石 和州郡山 本多能登守忠義

本多忠義美濃守忠政三男也初名唐之助元和元年閏六月賜將軍秀忠偏諱叙爵稱能登守忠義寬永四年新賜四萬石於播州十六年三月加封三萬石移治遠州掛川城正保元年三月加封三萬石移封越後村上城慶安二年六月加封二萬石通前封至十二萬石移封奧州白河城寬文二年十一月分與各一萬石於次子長門守忠利三子越中守忠序各二千五百石於四子吉兵衛忠勝五子造酒允忠尙天和元年七月忠義子下野守忠平以九萬五千石移封野州宇都宮城貞享二年六月遂轉和州郡山城享保七年九月忠平曾孫唐之助忠村削封七萬石明年二月其子喜三郎忠烈以殘封二萬五千石除封

三萬石 奧州築川 松平出雲守義昌

松平義昌通稱次郎太寬文五年八月叙爵稱出雲守天和三年八月至封額三萬石移治陸奧築川享保十四年五月其孫式部大輔義真除封

一萬二千石 上州天神山 植村土佐守恭定

植村氏德川氏譜第也初領三千石居上總勝浦慶長庚子役以警衛江戶城功加賜二千石元和六年其子帶刀泰勝加封七千石通前封至一萬二千石入候籍移治上州天神山寬延四年十月泰勝四世裔土佐守恒朝除封

一萬石 遠州相良 本多一學忠利

本多忠利能登守忠義次子也寬文二年十一月分受父封內奧州白河墾田一萬石別立家叙爵稱長門守十一年正月爲寺社奉行天和七年七月移治參州舉母寬延二年二月其孫兵庫頭忠央移封遠州相良寶曆八年三月補若年寄是歲十月除封

三萬八千八百石 濃州郡上 金森出雲守可重

金森氏豐臣氏諸侯也初領二萬八千八百石居飛彈高山城慶長庚子役與父素玄俱應東軍有功加封萬石移封濃州郡上十二年八月分與二萬石於五郎八長光十九年十二月子長門守重賴以大阪前役功加封三千石元祿五年七月重賴孫飛彈守賴業轉封出羽上山城十年六月復封濃州郡上寶曆八年十二月賴業孫兵部少輔賴冑除封

一萬二千石 江州小峰 小堀遠江守政一

小堀氏初領五千石慶長庚子役應東軍有功加封五千石入候籍十一年九月加封二千石元祿七年三月其曾孫大膳政房分與五百石於次弟松之丞三百石於三弟重次郎天明八年五月政房玄孫和泉守政峯除封

一萬石 駿州川成 本鄉丹後守泰固

初食祿五百石天保七年九月加賜千五百石尋加增三千石弘化二年四月加增二千石安政四年八月加封三千石至萬石入候籍移居駿州川成補若年寄六年十月削五千石脫候籍列



9542

3

14876

旗下

国立国会図書館



